



საქართველოს ოკუპირებული ტერიტორიებიდან დევნილთა, შრომის,  
 ჯანმრთელობისა და სოციალური დაცვის სამინისტრო  
 MINISTRY OF INTERNALLY DISPLACED PERSONS FROM THE OCCUPIED  
 TERRITORIES, LABOUR, HEALTH AND SOCIAL AFFAIRS OF GEORGIA

სსიპ შრომის ინსპექციის სამსახური  
 LEPL LABOUR INSPECTION OFFICE



KA030490691313821

საქართველო, თბილისი 0186, მიხეილ თამარაშვილის ქ. 15ა; ცხელი ხაზი 1505; ელ.ფოსტა: infolio@moh.gov.ge  
 Mikheil Tamarashvili str 15a, 0186 Tbilisi, Georgia; Hot line 1505; E-mail: infolio@moh.gov.ge

№ 125

25 / ოქტომბერი / 2021 წ.

მოქალაქე თამარ მაჭავარიანი;  
 ქ. თბილისი, ანა პოლიტკოვსკაიას ქ. N 10 ბინა N 14

**დადგენილება საქმის წარმოების შეწყვეტის შესახებ**

საჩივრის ავტორი - მოქალაქე თამარ მაჭავარიანი;

მოთხოვნის არსი - ადმინისტრაციული სამართალდარღვევის ოქმის გაუქმება;

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროში 2021 წლის 29 აპრილს თამარ მაჭავარიანის მიერ წარმოდგინილი იქნა №43583 საჩივარი. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სსიპ შრომის ინსპექციის სამსახურის 2021 წლის 25 აპრილის № 001533 ადმინისტრაციული სამართალდარღვევის ოქმის გაუქმების მოთხოვნით.

საქართველოს ადმინისტრაციულ სამართალდარღვევათა კოდექსის პირველი მუხლის მე-2 აბზაცის თანახმად, საქართველოს ადმინისტრაციულ სამართალდარღვევათა კოდექსი განსაზღვრავს, თუ რომელი მოქმედება ან უმოქმედობა წარმოადგენს ადმინისტრაციულ სამართალდარღვევას, რომელი ადმინისტრაციული სახდელი, რომელი ორგანოს (თანამდებობის პირის) მიერ და რა წესით შეიძლება დაედოს ადმინისტრაციული სამართალდარღვევის ჩამდენს. ამავე კოდექსის მე-10 მუხლის თანახმად, „ადმინისტრაციულ სამართალდარღვევა (გადაცდომად) ჩაითვლება სახელმწიფო ან საზოგადოებრივი წესრიგის, საკუთრების, მოქალაქეთა უფლებებისა და თავისუფლებების, მმართველობის დადგენილი წესის ხელშეწყობის მართლსაწინააღმდეგო, ბრალეული (განზრახი ან გაუფრთხილებელი) მოქმედება ან უმოქმედობა, რომლისთვისაც კანონმდებლობით გათვალისწინებულია ადმინისტრაციული პასუხისმგებლობა“.

ამავე კოდექსის მე-8 მუხლის თანახმად, „არავის არ შეიძლება შეეფარდოს შემოქმედების ზომა ადმინისტრაციული სამართალდარღვევების გამო, თუ არა კანონმდებლობით დადგენილ საფუძველზე და წესით. ადმინისტრაციულ სამართალდარღვევათა საქმეებს აწარმოებენ კანონიერების მკაცრი დაცვის საფუძველზე. საამისოდ უფლებამოსილი ორგანოები და თანამდებობის პირნი ადმინისტრაციული შემოქმედების ზომებს შეუფარდებენ თავიანთი კომპეტენციის ფარგლებში, კანონმდებლობის ბუნდობლივ შესაბამისობით“.

საქართველოს ადმინისტრაციულ სამართალდარღვევათა კოდექსის 42<sup>10</sup> მუხლის თანახმად, „საზოგადოებრივი ჯანმრთელობის შესახებ“ საქართველოს კანონით გათვალისწინებულ საკითხებთან დაკავშირებით დადგენილი ინოვაციის ახ/და კარანტინის წესის დარღვევა გამოიწვევს ფიზიკური პირის დაჯარიმებას 2 000 ლარით, ხოლო იურიდიული პირისა – 10 000 ლარით.“

2021 წლის 07 სექტემბერს მიღებულ იქნა საქართველოს კანონი „ადმინისტრაციული სახდელისგან გათავისუფლების შესახებ“, რომლის პირველი მუხლის მე-2 პუნქტის თანახმად ადმინისტრაციული სახდელისგან ჯარიმისგან თავისუფლდება ის პირი, რომელმაც ჩაიდინა საქართველოს ადმინისტრაციულ სამართალდარღვევათა კოდექსის 42<sup>10</sup> ან 42<sup>11</sup> მუხლით გათვალისწინებული ადმინისტრაციული სამართალდარღვევა.

ამავე კანონის მე-3 მუხლის „ბ“ ქვეპუნქტის თანახმად, ადმინისტრაციული სახდელისგან – ჯარიმისგან გათავისუფლება ვრცელდება იმ პირზე, რომელმაც ამ კანონის პირველი მუხლის მე-2 პუნქტით გათვალისწინებული ადმინისტრაციული სამართალდარღვევა 2021 წლის 23 ივნისამდე ჩაიდინა.

განსახილველ შემთხვევაში დადგენილია, რომ ადმინისტრაციულ პასუხისგებაში მიცემული პირის თამარ მაჭავარიანის მიერ 2021 წლის 25 აპრილს დარღვეულ იქნა საქართველოს ადმინისტრაციულ სამართალდარღვევათა კოდექსის 42<sup>10</sup> მუხლი, რის გამოც შედგენილ იქნა ადმინისტრაციული სამართალდარღვევის ოქმი და სახდელის სახით გამოყენებულ იქნა ჯარიმა 2 000 ლარის ოდენობით.

საქართველოს ადმინისტრაციულ სამართალდარღვევათა კოდექსის 232-ე მუხლი განსაზღვრავს ადმინისტრაციული სამართალდარღვევის საქმის წარმოების დაწყების გამომრიცხავ გარემოებებს, რომლის „ე“ ქვეპუნქტის თანახმად ადმინისტრაციული სამართალდარღვევის საქმის წარმოება არ უნდა დაიწყოს, ხოლო დაწყებული ადმინისტრაციული სამართალდარღვევის საქმე უნდა შეწყდეს თუ მიღებული ამნისტიის აქტი აუქმებს ადმინისტრაციული სახდელის გამოყენებას.


ამავე კოდექსის 267-ე მუხლის პირველი პუნქტის „ბ“ ქვეპუნქტის თანახმად ადმინისტრაციული სამართალდარღვევის საქმის განხილვის შემდეგ ორგანოს (თანამდებობის პირს) გამოაქვს დადგენილება საქმისწარმოების შეწყვეტის შესახებ.

ყოველივე ზემოაღნიშნულიდან გამომდინარე, ადმინისტრაციულ სამართალდარღვევათა კოდექსისა და „ადმინისტრაციული სახდელისგან გათავისუფლების შესახებ“ საქართველოს კანონის მოთხოვნათა შესაბამისად, ადმინისტრაციულმა ორგანომ

### და ა დ გ ი ნ ა:

1. შეწყდეს თამარ მაჭავარიანის მიერ 2021 წლის 29 აპრილს წარმოდგენილი №43583 საჩივრის საფუძველზე დაწყებული წარმოება.
2. დადგენილების ასლები გადაეგზავნოთ დაინტერესებულ მხარეს.
3. დადგენილება შეიძლება გასაჩივრდეს, კანონით დადგენილი წესით, თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი №64).

სსიპ შრომის ინსპექციის სამსახურის მთავარი  
შრომის ინსპექტორი

ხელმოწერა/  
შტამგვანსულია  
ელექტრონულად 

ბექა ფერაძე